

اتوار 23 جون، 2019

مضمون۔ انسان نون شامل کر کے، کیہ سنسار ایٹمی توانائی نال بنیائے؟

سنہری متن: 2 سلاطین 3 باب 17، 18 آیتاں

”رب ایہہ آکھدا اے پئی تسی نہ ہو آؤندی دیکھو گے نہ مینہ دیکھو گے فیروی ایہہ وادی پانی نال بھر جاوے گی۔ تے تسی وی پیو گے تے تہاڈے جانور تے تہاڈے چوپائے وی۔ تے ایہہ رب لئی اک ذرا جی گل اے۔“

جوابی پڑھائی: ایوب 37 باب 5، 6، 8، 9، 16، 17، 23 آیتاں

5۔ رب عجیب طراں اپنی آواز نال گرجدا اے۔ اوہ وڈھے وڈھے کم کردا اے جنہاں نون اسی سمجھ نہیں سکدے۔

6۔ کیوں جے اوہ طرف نون آکھدا اے پئی تون دھرتی اُتے ڈگ۔ ایسے طراں اوہ بارش تے تیز مینہ نون آکھدا اے۔

8۔ تدرندے غاراں وچ وڑھ جاندے تے اپنیاں اپنیاں مانداں وچ پئے رہندے نیں۔

9- ہنیری جنوب دی کو ٹھی ولوں تے پالا شمال ولوں آؤندا اے۔

16- کیه تون بدلاں دے موازنے تون واقف ایس؟ ایہہ او سے دے حیران کرن والے کم نیں جیہڑا علم وچ کامل اے۔

17- جدوں دھرتی اُتے جنوب دی ہوا پاروں سناتھا ہندا اے تے تیرے کپڑے گرم کیوں ہو جانداے نیں؟

23- اسی قادر مطلق نون پانسئیں سکدے۔ اوہ قدرت تے عدل وچ شاندار اے تے انصاف دین وچ ظلم نہ کرے گا۔

درسی وعظ

بائبل وچوں

1- زبور 19:1 توں 6 آیتاں

1- اسمان رب داجلال ظاہر کردا اے تے ہوا اوہدی دستکاری دکھاؤندی اے۔

2- دن نال دن گل کردا اے تے رات نون رات حکمت سکھاؤندی اے۔

3- نہ بولنا اے نہ کلام۔ نہ اوہناں دی آواز سن دی اے۔

4- اوہناں داسر ساری دھرتی اُتے تے اوہناں دا کلام جگ دے اخیر تیکر اڑیا اے۔ اوہنے سورج لئی اوہناں  
وچ خیمہ لایا اے۔

5- جیہڑے لاڑھے وانگر اپنے خلوت خانے وچوں نکلد اے تے پہلوان وانگر اپنی دوڑ وچ دوڑن توں خوش  
اے۔

6- اوہ اسمان دی اخیر وچوں نکلد اے تے اوہدا پھیرا اوہدے کنڈیاں تیکر ہندا اے تے اوہدی گرمی توں کوئی  
شے ناواقف نئیں۔

2- 1 سلاطین 18 باب 1 توں 3، (توں-)، 5، 41 توں 45 (توں پہلا-)، 46 (توں)؛ آیتاں

1- تے بوہت دنان بعد اناج ہوئی پئی رب دا ایہہ کلام تیجے ورھے ایلیاہ اُتے نازل ہوئی پئی جا کے انجی اب نون  
مل تے میں دھرتی اُتے مینہ ورھانواں گا۔

2- ایس لئی ایلیاہ انجی اب نون ملن نون ٹرپیاتے سامریہ وچ بوہت سخت کال بیاسی۔

3- تے انجی اب نے عبدیاہ نون جیہڑا اوہدے گھر دادیوان سی تے عبدیاہ رب توں ڈرد سی۔

5- ایس لئی انجی اب نے عبدیاہ نون آکھیا ملک وچ پھر دیاں ہوئے پانی دے سارے چشمیاں تے سارے  
نالیاں اُتے جا شاید ساہنوں کتے کاہ مل جاوے جیدے نال اسی شاید اپنے گھوڑیاں تے خچراں نون جیوندہ رکھ  
لئے تاں جو ساڈھے سارے چوپائے ضائع نہ ہو جان۔

- 41- فیر ایلیاہ نے انخی اب نون آکھیا اُتے آجا۔ کھاتے پی کیوں جے بوہت بارش والی آوازاے۔
- 42- ایس لئی انخی اب کھان پین نون اُتے اُتے گیا، تے ایلیاہ کر مل دے سرے اُتے چڑھ گیا تے دھرتی اُتے سر سٹ کے اپنا منہ اپنے گوڈھیاں دے وچکار رکھ لیا۔
- 43- تے اپنے خادم نون آکھیا ذرا اُتے جا کے سمندر ول تے ویکھ۔ ایس لئی اوہنے اُتے جا کے نظر کیتی تے اکھیاوتھے کجھ وی نئیں اے۔ اوہنے آکھیا فیر ست واری جا۔
- 44- تے ستویں واری اوہنے آکھیا ویکھ اک نکا جیہا بدل بندے دے ہتھ برابر سمندر وچوں اٹھیا اے۔ تداوہنے آکھیا جاتے انخی اب نون آکھ پئی اپنا تھ تیار کروا کے بیٹھاں اُتر جاتاں جو بارش نہ تینوں روکے۔
- 45- تے تھوڑے چروچ ای اسماں ہنیری تے بدلاں نال کالا ہو گیا تے بڑا مینہ پیا تے انخی اب سوار ہو کے یزر عییل نون چلا گیا۔
- 46- تے رب دا ہتھ ایلیاہ اُتے سی تے اوہنے اپنی کمر کس لئی تے انخی اب دے اگے اگے یزر عییل دے بوہے تیکر دوڑا گیا۔

### 3- ایوب 36 باب 22، 24، 25، 27 توں 31 آیتاں

- 22- ویکھ رب اپنی قدرت نال وڈھے وڈھے کم کردا اے۔ کیہڑا استاد اوہدے وانگراے؟
- 24- اوہدے کم دی وڈیائی کرنا یاد رکھ جیدی تعریف لوک گاؤندے رہے نیں۔
- 25- ساریاں لوکاں نے ایہنوں ویکھیا اے۔ انسان اوہنوں دوروں ویکھدا اے۔

27- کیوں جے اوہ پانی دے چھٹیاں نوں اُتے کھچد اے جیہڑے اوہدے بخارات وچوں مینہ دی شکل وچ  
ٹپکدے نیں۔

28- جنہاں نوں فلک انڈینل دے تے بندے اُتے بوہت زیادہ ورھاؤندے نیں۔

29- بلکہ کیہ بدلاں دے پھیلن تے اوہدے شامیانے دیاں گرجاں نوں سمجھد اسکد ایں؟

30- ویکھ! اوہ اپنی لو اپنے آ لے دوالے کھلار دالے تے سمندر دیاں تہواں نوں ڈھکد اے۔

31- کیوں جے ایہناں نال ای اوہ قوماں دا انصاف کردالے تے کثرت نال خوراک دیند اے۔

#### 4- ایوب 37 باب 14 (کھلوتا) آیت

14- --- چپ کر کے کھلوتا رہ۔ تے رب دے حیران کرن والے کم اُتے غور کر۔

#### 5- عاموس 4 باب 13 آیت

13- کیوں جے ویکھ اوہنے ای پہاڑاں نوں بنایا تے ہوانوں پیدا کیتا اوہناں انساناں اُے اپنے خیالاں نوں ظاہر  
کردالے تے صبح نوں، ہنیر کردیند اے تے دھرتی دیاں اُچیاں تھانواں اتے ٹردالے۔ اوہداناں خداوند رب الا  
فواج اے۔

## 6- مرقس 1 باب 1، 9، 32 توں 34 (توں؛ آیتاں)

1- یسوع مسیح رب دے پتردی خوشخبری دا شروع۔

9- تے اوہناں دنوں وچ اناج ہوئی پئی یسوع نے گلیل دے ناصرت توں آ کے یردن وچ یوحنا توں پتسمہ لیا۔

32- شام نون جدوں سورج ڈب گیا تے لوک سارے بیماراں نون تے اوہناں نون جنساں وچ بدروحاں سی اوہدے کول لیائے۔

33- تے پورا شہر بوہے اُتے اکٹھا ہو گیا۔

34- تے اوہنے بتھیریاں نون جیہڑے وکھریاں وکھریاں بیماریاں وچ پھسے سی چنگا کیتا تے بوہت ساریاں بدروحاں نون کڈھیا۔

## 7- مرقس 4 باب 1، 35 توں 41 آیتاں

1- اوہ فیر جھیل دے کنڈے اُتے تعلیم دین لگیا تے اوہدے کول اجیہا وڈھا جتھا اکٹھا ہو گیا پئی اوہ جھیل وچ اک کشتی وچ جا کے بیٹھ گیا تے سارا جتھا خشکی اُتے جھیل دے کنڈے ای رہیا۔

35- اوہ دن جدوں شام ہوئی تے اوہنے اوہنوں آکھیا آؤ پار چلئے۔

36۔ تے اوہ جتھے نون چھڈ کے اوہنوں جیس حالت وچ اوہ ہے سی ایج ای کشتی اُتے نال گئے تے اوہ دے نال ہو کشتیاں وی سی۔

37۔ تد بڑی ہنیری چلی تے جھلاں کشتی وچ ایہتھے تیکر آگئیاں پئی کشتی پانی نال بھر دی جاندی سی۔

38۔ تے اوہ آپ پچھے گدی اُتے سورہیا سی۔ تے اوہناں نے اوہنوں جگا کے آکھیا پئی اے استاد تینوں کوئی فکر نہیں پئی اسی مرن ڈیئے آں؟

39۔ تے اوہنے اُتھ کے ہو انوں جھڑکیا تے پانی نون آکھیا رک جا۔ ٹھہر جا! تے ہو ابند ہو گئی تے بڑا سکون ہو گیا۔

40۔ فیر اوہناں نون آکھیا تسی کیوں ڈردے او؟ ہلے تیکر ایمان نہیں رکھدے؟

41۔ تے اوہ بوہت ڈر گئے تے آپس وچ آکھن لگے ایہہ کون اے پئی ہوا تے پانی وی ایہدا حکم من دے نیس؟

## 8۔ زبور 46:1 توں 3 (توں پہلا)، 4 توں 7 (توں پہلا)، 10 آیتاں

1۔ رب ساڈی پناہ تے طاقت اے۔ مصیبت وچ مستعد مدد کرن والا۔

2۔ ایس لئی ساہنوں کجھ ڈر نہیں بھانویں دھرتی الٹ جاوے۔ تے پہاڑ سمندر دی تہہ وچ سُٹ دتے جان۔

3۔ بھانویں اوہدا پانی شور کرے تے موجزن ہووے تے پہاڑ اوہدے طور فان نال ہل جان۔

4۔ اک اجیہا دریا اے جیہیاں ٹاہنیاں نال ردے شہر یعنی حق تعالیٰ دے پاک گھرنوں سکون ملدے۔

- 5- رب اوہدے وچ اے اوہنوں کوئی جنبش نہیں ہووے گی۔ رب سویرے سویرے اوہدی تمک کرے گا۔
- 6- قوماں جھنجھلاؤن۔ سلطییاں نے جنبش کھادی۔ اوہ بول پئے۔ دھرتی پگھل گئی۔
- 7- لشکراں دارب ساڈے نال اے۔ یعقوب دارب ساڈی پناہ گاہ اے۔
- 10- چپ کر جاؤتے ایہہ جان لو پئی میں رب آں۔ میں قوماں دے وچکار اچا ہواں گا۔

## سائنس تے صحت

1- 16-12:171

انسان نوں شامل کر کے سنسار اُتے سیان دی حکمرانی اک کھلا سوال نہیں رہیا بلکہ ایہہ منی جان والی سائنس اے۔ یسوع نے بیماری تے پاپ توں شفا دیندیاں ہوئے تے موت دی نیوں نوں نیست کر دیاں ہوئے الہی اصول تے لافانی سیان دی طاقت نوں بیان کیتا۔

2- 3-23، 6-5:511



الہی سیان روحانی مخلوق دی اچھائی، وڈیائی تے لامحدودیت دی حمایت کردی اے۔

فانی سیان لمی سنسار مانع، ٹھوس تے علم رکھن والی اے۔ روحانی تشریح کردیاں ہوئے، پتھرتے پہاڑ ٹھوس تے وڈھے خیالاں تے طور تے پیش کیتے جاندے نیں۔ ذہانت دے پیمانے اُتے ابھر دیاں ہوئے، مذکر، مونث یا بے لاگ جنس دی شکل لیندیاں ہوئے، جانور تے انسان استعاری طور تے فانی وچاردے معیار نوں پیش کردے نیں۔ اوہ پرندے جیہڑے دھرتی توں آسمان وچ اُڑدے نیں، الہی اصول، پیارتے غیر مادی سیان لمی مادیت توں اگے تے اُچا پرواز کردیاں ہوئے کھلی ہو انال تعلق رکھدے نیں۔

3 - 19-16:585

افرات (دریا)۔ الہی سائنس سنسار تے انسان دا، جیہڑا رب داسچا وچار اے؛ گھیراؤ کرن والا، آؤن والے جلال دی اک قسم، طبیعیات دی تھاں لین والی مابعد الطبیعیات؛ راسخ بازی دی بادشاہی۔

4 - 29-27:597

ہوا۔ اوہ جیہڑی ساریاں شیواں دا گھیراؤ کردیاں ہوئے، قادر مطلق دی قدرت تے رب دی حکمرانی دیاں تحریکاں ول اشارہ کردی اے۔

5- 25-20-512

روح ایسے اپنے پاک تے کامل خیالاں دے ودھن نون برکت دیندی اے۔ اک سیان دے لامحدود عناصر تون رنگ، معیار، تے تعداد دیاں ساریاں شکلاں ظاہر ہندییاں نیں تے ایہہ پہلے تے دو جے دونوں لکھاں نال ذہنی اے۔ اوہناں دی روحانی فطرت صرف روحانی حساں نال ای سمجھی جاندی اے۔

6- 11-1:240

فطرت، فطری روحانی قانون تے الہی پیارورگی سُن دی اے، پر انسان دا عقیدہ فطرت دی غلط تشریح اے۔ ٹھنڈے علاقے، سورگ والے گرم علاقے، اُچیاں پہاڑیاں، اُچیاں ہوانواں، مضبوط بہاؤ، ہریاں ہریاں گھاٹیاں، موسی پھل، جلالی اسمان سارے سیان ول اشارہ کردے نیں یعنی اوس روحانی ذہانت ول جنہوں اوہ منعکس کردے نیں۔ بھلاں ورگے رسول الوہیت دی تصویر لکھائی نیں۔ سورج تے سیارے وڈھے سبقاں دی تعلیم دیندے نیں۔ تارے رات نون بوہت سوہناں بناؤندے نیں تے کئی قدرتی طور تے سورج دی لوول نون مڑ جاندی اے۔

سائنس دی ترتیب وچ، جیدے وچ اصول ایسے تون وڈھاے جیہڑا ایہہ منعکس کردا اے، سب کجھ اک وڈھی مخالفت اے۔

7- 15-13:484

بدي سنسار انسان دے شعوري تے لاشعوري خيالا نون ظاهر كردي اے۔ بدي طاقت تے فاني سيان اك نين۔

8- 21-11:192

سرگردا طاقت مادي يقين اے، انهي طاقت دا دتا هو نيا غلط نال، حكمت دي بجائے مرضي، لافاني دي بجائے فاني سيان دي پيداوار اے۔ اے سر اول موتيا اے، ساژن والي اگ داشعله اے، طوفان داسا اے۔ ايہہ گرج چمك تے طوفان اے، ايہہ اوہ سب كجھ اے جو خود غرضي، بدكاري، بے ايماني تے ناپاكي اے۔

اخلاقي تے روحاني طاقت روح نال تعلق ركھدے نين، جيہڙي ”اپنے جھٹكياں وچ هو“ دباكے ركھدي اے، تے ايہہ تعليم سائنس تے ہم آهنگي نال مطابقت ركھدي اے۔ سائنس وچ، تسي رب دے خلاف كوئي طاقت نين ركھ سكدے، تے بدي حسا نون اپني جھوٹی گو اهي نون ترك كرنا ہندا اے۔

9- 31-13:293

نال دیاں گیساں تے قوتاں الہی سیان دیاں روحانی قوتاں دے مخالف نیں، جیدی طاقت سچائی اے، جیدی دلکشی پیار اے، ہستی دیاں ابدی اصلیتاں نون لگاتار جاری رکھ دیاں ہوئے جیدی پیروی تے ملاپ حیاتی اے۔ بجلی مادیت دی ودھی ہوئی مقدار اے جیہڑی روحانیت یا سچائی دے اصلی جوہر دی مخالفت کر دی اے، جیہڑا ایہد اوڈھا فرق اے پی بجلی ذہانت نیں اے، جد کہ روحانی سچائی سیان اے۔

ایہتھے فانی سیان دا سگاہ غضب نیں اے جید اظہار زلز لے، ہنیریاں، چھلاں، گرج چمک، اگ، بے درد زندگی وچ ہندا اے، تے ایہہ نال دی ای سیان اپنے آپ نون مارن والی ہندی اے۔ بدی دے اظہار، جیہڑا الہی عدل دے خلاف نیں، نون کلام وچ ”رب دا غضب“ آکھیا گیا اے۔ اصل وچ، ایہہ مادے یا غلطی دا اپنے آپ نون مارن داد کھاواتے یا مادے دے خلاف اشارہ دے نیں، جیہڑا روح دی طاقت تے مضبوطی اے۔ کر سچن سائنس سچائی تے اوہدی وڈیائی، عالمگیر ہم آہنگی، رب، یعنی چنگیائی دی کلیت تے بدی دے عدم نون لو وچ لیاؤندی اے۔

## 10- 31-14، 6-124:3

بدنی سائنس (نال دی) انسانی علم اے، فانی سیان دا قانون، اک انھا بھروسہ، اپنی طاقت تون بغیر اک سمسون اے۔ جدوں ایس انسان دے یقین نون ایہدی حمایت لئی تنظیمیاں داگھاٹا ہیندا اے، تے ایہد نیاں نیماں ودھ جان دیاں نیں۔

سنسار نون، انسان وانگر، ایہدے الہی اصول، رب، ولوں سائنس دے راہیں واضح کیتا جانا چاہیدا اے، تے فیر ایہنوں سمجھیا جاسکدا اے، پر جدوں ایہنوں بدنی حساں دی نیوں اُتے واضح کیتا جاند اے تے بڑھوتری، بالغی تے زوال دے

بائبل دا ایہ سبق پلین فیلڈ کر سچن چرچ، آزادولوں تیار ہو یا اے۔ ایہہ کنگ جیہڑا بائبل دیاں آیتاں تے میسری سیکر ایڈی دی لکھی ہوئی کر سچن سائنس دی درسی کتاب، ”سائنس تے صحت آیتاں دی کئی دے نال“ وچوں لیاں ہوئیاں لازمی تحریریاں نال بنیائے۔

یٹھھاں ہندییاں ہوئے پیش کیتا جاندا اے، تے سنسار، انسان وانگر، اک معمر بن جاندا اے تے ایہنوں جاری رکھنا چاہیدا اے۔

مگر ٹرنا، ملنا، تے دکشتی سیان دیاں ملکیتاں نیں۔ ایہہ الہی اصول نال تعلق رکھدے نیں، تے ایہہ خیالی قوت دی تعدیل دی حمایت کردے نیں، جنسے دھرتی نون ایہدے مدار وچ چھڈیا تے آکر والیاں چھلیاں نون آکھیا، ”ایہتے تیکر پراگے نیں۔“

روح ساریاں شیواں دی حیاتی، مواد تے لگاتاری اے۔ اسی طاقتاں دے پیراں مگر ٹردے آں۔ ایہناں نون چھڈ دیئے تے مخلوق نیست ہووے گی۔ انسانی علم ایہناں نون مادے دیاں طاقتاں آکھدا اے، پر الہی سائنس ایہہ واضح کردی اے پئی اوہ پورے طور تے الہی سیان دے نال تعلق رکھدیاں نیں تے ایس سیان وچ میراث رکھدیاں نیں، تے ایہ اوہناں نون اوہناں دے جائز گھرتے درجہ بندی وچ بحال کردی اے۔

11- 125:21-30

ویلاتے چھل، گرمی تے پالا، طول بلد تے ارض بلد دے بدلن نال موسم آؤندے جاندا رہن گے۔ زراعت داماہر ایہہ جان جائے گا پئی ایہہ تبدیلیاں اوہدی پئی اُتے کوئی اثر نیں پاسکدیاں۔ ”ہنوں اوہناں نون کپڑیاں وانگر بدل لوئیں گاتے اوہ بدل جان گے۔“ سمندری مسافر ماحول اُتے، بڑے ڈوہنگے سمندر اُتے، سمندر دیاں مچھلیاں تے ہوادے

پرندیاں اُتے اختیار رکھے گا۔ فلکیات داماہر ستاریاں نون ہور نہ ویکھے گا، اوہ سنسار وچ لیہناں تون ہوشیار رہوے گاتے  
بھل و پچن والا ایہدے پچ نکلن تون پلاں بھل نون پالوے گا۔

12- 15-10:503

سچیائی دے سنسار وچ مادا گواچا ہوئیائے۔ غلطی دا کوئی مفروضہ او تھے نہیں وڑھدا۔ غلطی دے ہنیرے تون الہی  
سائنس، یعنی رب دا کلام ایہہ پئی ”رب کل دا حاکم“ اے تے از لوں موجود پیار دی لو سنسان نون روشن کردی اے۔

## روزانہ دے فرض

میری بیکرا ایڈی ولوں

## روزانہ دی دعا

ایس چرچ دے ہر رکن دا ایہہ فرض اے پئی ہر روز اوہ ایہہ دعا کرے: ”تیری بادشاہی آوے؛“ الہی سچیائی، حیاتی تے  
پیار دی سلطنت میرے اندر قائم ہووے، تے سارے پاپ میتھوں نکل جان؛ تے تیرا کلام سارے انساناں دے پیار  
نون ودھاوے، تے اوہناں اُتے حکومت کرے۔

چرچ مینوسیل، آرٹیکل VIII، سیکشن 4۔

## مقصد اں تے کماں دا اک اصول

نہ کوئی مخالفت تے نہ کوئی ذاتی تعلق مادری چرچ دے کسے رکن دے مقصد اں یا کماں اُتے اثر نہیں کرنے چاہیدے۔  
سائنس وچ، بس الہی پیارای حکومت کرداے، تے اک مسیجی سائنسدان پاپ نوں رد کردیاں ہوئے، سنجی پراہ بندی،  
خیرات پسندی تے معافی نال پیار دیاں مٹھیاں سچیاں داپر چھانواں بن داے۔ ایس چرچ دے سارے رکن اں نوں  
سارے پاپاں توں، غلط طراں دیاں پیشن گوئیاں، منصفیاں، مذمتاں، صلاحواں، غلط اثراں نوں لین تے غلط اثر دین  
توں آزاد رہن لئی ہر روز خیال رکھنا چاہید اے تے دعا کرنی چاہید اے۔

چرچ مینوسیل، آرٹیکل VIII، سیکشن 1۔

## فرض لئی چستی

ایس چرچ دے ہر رکن دا ایہہ فرض اے پئی اوہ ہر روز جارحانہ ذہنی صلاحواں دے خلاف اپنے آپ نوں تیار رکھے، تے  
رب، اپنے قائد تے انساناں لئی اپنے فرضاں نوں نہ کدی بھلے تے نہ کدی نظر انداز کرے۔ اوہ دے کماں دے راہیں  
اوہدا انصاف ہووے گا، اوہ بے قصور یا قصور وار ہووے گا۔

چرچ مینوسیل، آرٹیکل VIII، سیکشن 6۔